

**ლანჩხუთის მუნიციპალიტეტის საკრებულოს „იურიდიულ საკითხთა და
ეთიკის კომისიის“ მოსახლეობასთან შეხვედრის**

ოქმი N 3

შეხვედრის ადგილი: ლანჩხუთი - სოფელ ლესის მოსახლეობა

შეხვედრის ჩატარების თარიღი: 19. 05. 2023 წელი. 16:30 საათი

შეხვედრას ესწრებოდნენ: საკრებულოს „იურიდიულ საკითხთა და ეთიკის კომისიის“ თავმჯდომარე - გიორგი ხელაძე, კომისიის წევრები: **დარეჯან ბურჭულაძე, ია მოქია, საკრებულოს წევრი, ლესისა და ჯურულების ადმინისტრაციული ერთეულის მაჟორიტარი დეპუტატი ელისო ჭიჭინაძე, მერის წარმომადგენელი ლესის ადმინისტრაციულ ერთეულში დავით ლომაძე, საკრებულოს აპარატის საორგანიზაციო განყოფილების მთავარი სპეციალისტი საზოგადოებასთან ურთიერთობის საკითხებში: **ლაშა სარჯველაძე, საკრებულოს აპარატის მეოთხე რანგის პირველი კატეგორიის უმცროსი სპეციალისტი: ნინო ჭანტურიშვილი, მოწვეული პირები.****

ლანჩხუთის მუნიციპალიტეტის საკრებულოს „იურიდიულ საკითხთა და ეთიკის კომისიამ“ საქართველოს მთავრობის N 239 დადგენილების მე-7 მუხლის მე-6 პუნქტის შესაბამისად კონსულტაცია გამართა სოფელის მოსახლეობასთან, ჯუნიწრის სკვერისთვის დავით ბოლქვაძის სახელის მინიჭებასთან დაკავშირებით.

კომისიის თავმჯდომარე - **გიორგი ხელაძე** მიესალმა მოსახლეობას და მადლობა გადაუხადა მობრძანებისთვის. მან აღნიშნა, რომ ამ დღეებში ლანჩხუთის მუნიციპალიტეტის საკრებულოს განცხადებით მომართა ლესის ადმინისტრაციული ერთეულის მოსახლეობამ, რომელსაც ხელს აწერს დაახლოებით 60 პიროვნება. ისინი ითხოვენ, რომ სოფლის ქუჩას, სადაც დაიბადა და გაიზარდა სერგო ჯორბენაძე ეწოდოს მისი სახელი. მანვე დამსწრე საზოგადოებას სერგო ჯორბენაძის შესახებ მოკლე ბიოგრაფიული მონაცემები გააცნო და აღნიშნა, რომ სერგო ჯორბენაძემ სკოლის ფრიადზე დამთავრების შემდეგ თბილისის სახელმწიფო უნივერსიტეტში გააგრძელა სწავლა, რომელიც წარჩინებით დაამთავრა 1948 წელს. ნიკო კეცხოველის უშუალო რეკომენდაციით იგი მივლინებული იქნა მოსკოვის ლომონოსოვის სახელობის უნივერსიტეტის ასპირანტურაში სწავლის გასაგრძელებლად. ასპირანტურის წარჩინებით დამთავრების შემდეგ იგი შეუდგა სამეცნიერო მუშაობას. 1955 წელს აირჩიეს იურიდიული ფაკულტეტის სამოქალაქო სამართლის კათედრის გამგედ. 1963 წელს დაიცვა სადოქტორო დისერტაცია. 1956 წლიდან 1986 წლის ჩათვლით მუშაობდა თსუ - ის პროექტორად სამეცნიერო მუშაობის დარგში. 1983 წელს სერგო ჯორბენაძემ მიიღო სახელმწიფო პრემია. 1988 – 1998 წლებში იყო საქართველოს მეცნიერებათა ეროვნული აკადემიის წევრ კორესპონდენტი. მას დიდი ღვაწლი მიუღივის 1995 წლის საქართველოს კონსტიტუციის სამოქალაქო კოდექსის შექმნაში. სერგო ჯორბენაძე გარდაიცვალა 1998 წლის 4 აპრილს. დაკრძალულია მწერალთა და საზოგადო მოღვაწეთა დიდუბის პანთეონში.

შეხვედრაზე მონაწილეთაგან აზრი გამოთქვეს ია ჩხაიძემ, მზა ტუხაშვილმა და აღნიშნეს, რომ მოხარული იქნებიან, თუ საკითხი დადებითად გადაწყდება, რასაც შეხვედრის ყველა მონაწილემ დაუჭირა მხარი. შეხვედრაზე თავისი პოზიცია დააფიქსირა მერის წარმომადგენელმა ლესის ადმინისტრაციულ ერთეულში დავით ლომაძემ და აღნიშნა, რომ მისასალმებელია ასეთი ადამიანების სახელის უკვდავყოფა.

ლესისა და ჯურიყვეთის ადმინისტრაციული ერთეულის მაჟორიტარმა დეპუტატმა, ელისო ჭიჭინაძემ აღნიშნა, რომ მოხარულია, ასეთი ღირსეული პიროვნების სახელის მინიჭება რომ გადაწყვიტა სოფელ ლესის მოსახლეობამ, რასაც ის გულწრფელად უჭერს მხარს.

კომისიის წევრებმა, ია მოქიამ და დარეჯან ბურჯულაძემ ისაუბრეს სერგო ჯორბენაძის ღვაწლის შესახებ სამოქალაქო კუთხითაც.

გიორგი ხელაძემ აგრეთვე აღნიშნა, რომ იმედი აქვს, დროულად დასრულდება პროცედურები, რათა სოფელ ლესაში არსებულ ქუჩას ეწოდოს სერგო ჯორბენაძის სახელი.

პატივისცემით,

ლანჩხუთის მუნიციპალიტეტის საკრებულოს „იურიდიულ

საკითხთა და ეთიკის“ კომისიის თავმჯდომარე

/გიორგი ხელაძე/